

國家圖書館藏

綫裝書局

清代孤本方志選

國家圖書館分館編

清代孤本方志選

(第一輯第九冊) 山西 高平縣志〔順治〕十卷

舊志序

昔孔子論鄭國之為命也草創曰程
評論曰世叔

脩飾潤色曰子羽子產辭命何國蔑有孔子奚取焉
人情嫌于揚已則避而不敢首事嫌于蓋人則徇而
不敢更張此四君子者當先而草創不虞人之議其
專也已成而討論脩飾潤色不虞人之恥其踈與陋
也要期於共濟國事而已孔子之善鄭意蓋如此今
之邑古之國也而廣大蕃庶容有過之今之邑志古

之國史也載往來觀民體物是非褒貶法戒取舍
咸是焉資其視為命或端發一事或事在一時所關
理道廣遠殆有過之作者述者寧渠易辦乎余讀高
平志嘉其與鄭命異體而一致焉高平故有志訖嘉
靖三十七年至于今五十七年矣而令劉文英續之
文英行其意邑學士大夫脩其辭分門別類以故志
所定為允則不易天文分野地方二不專一邑則
不載疆域形勝山川古蹟丘墓故志辭遺抑昔存而

不廢則必書賦有上供有軍興力口庸調權稅有登
耗有贏縮有利弊有因革國計民生之重者也則
必詳名宦鄉賢故所失收抑在後進者非輿論無歸
則不登執文非雅馴及有禪風教則不錄生有封章
邊有諭祭王言君命非可他比則特識之美哉志也
具三善焉無所矜以炫長故詞贈而約無所隱以
名故事備而覈無所詘以行媚故義正而嚴可以言
述亦可以言作可以言志亦可以言史稽古有徵無

後有式藉使鄭四賢掇簡載筆其體裁華藻應若是
爾余與文英同事二年不省何狀然必聞其政今見
其志復若見其人詢事考言言可底績而志成適與
君三年報政期會故為叙論大歸且以風示諸長吏
云大沁山人李維楨本寧父撰

志叙

我國家環海為區星分郡邑其載在統志者燦然
臚列矣雖是輟邑亦各自為紀焉高平即古涇氏為
三晉屬邑邑舊有志乃大司空郭公所纂者公邑人
也蒐羅挾實枉輦鴻裁鏡往詔來足垂永世自嘉靖
辛酉迄今且五十載矣道有升降俗有淳漓察有稷
祥政有治忽山川扼塞如故也而建置之常民聚物
叢如故也而則壤靡定靈秀鬱結聿鍾於人懿行芳

規幽顯或異是安可以無述哉四紀於茲猶昭耳目
失今不述久之益湮沒作者誰其徵乎邑父母昌
平劉公起家進士來尹茲土惠政仁風舒虹燦電勵
精未幾而百廢俱興矣稽古憲文考治問俗爰覽前
志而近事何寥寥也乃穆然咨嗟曰斯邑也豈其不
足於文獻哉抑亦長吏者之責也於是起而重脩之
焉廣諏咨嚴綜核難蕪穢補缺遺巨細助靡不條
列炳若指掌矣昔者杜預發引凡例乞垂舊章張衡

正三史頒就新載乃若斯志庶其無之第撫拾梗
槩屬之謀野折衷損益多公所自裁下視先正之所
纂者則近事有徵而益加備焉庶幾就晉之衆也志
成以觀不佞不佞卒荼嘆曰藁爾茲民徼惠我公愷
悌慈祥保障同夫尹鐸殫洽宏肆良史不媿董狐其
治邑者凡幾載矣上下咸孚遐邇丕應循良之譽騰
蹕三晉行且班聯瑣闥而簪華螭頭矣繼公為政者
舍公其誰師乎考鏡徽猷斯志固在也不佞浮沉南

署不獲受成以與殺青之事因序其首明南京兵部
武選司郎中前吏部主事邑進士馮養志撰

序

古天子以及有國之君各有史其于
舉必書雖甚諱不得而奪焉所以昭
垂懲勸至嚴重也後世方域記載之
書有美而無惡其于職亦漸以替矣
然齊魯曾鄭今皆列為郡縣邑未嘗

不得史而自山川風土人文賦籍以
逮名紳良吏忠孝節烈之屬一登採
陟百世榮焉故隱其意于懲而顯其
文于勸亦猶行古之道也當斯任者
其敢忽乎哉高平之有志沒來已久
明嘉靖萬曆中司空一泉郭公暨前

國平劉公曾兩脩之嗣是因循廢
闕自天啓迄今垂數十載予初蒞法
慨然欲身任之而事關特舉恐力
弗克勝今歲十月奉通行脩輯之
憲檄乃卜日集議開局于邑之西館
延禮名紳賢士蒐討舊文網羅放失

訛者訂之蕪者刪之逸者增之謬者
覈之凡舊志十五卷括為十卷緒不
繁而義咸備焉其或是非進退關論
定者必焚香矢衆與紳衿邑老博諮
而確議之隻字編摩惟公惟茲于是
新舊典故燦然呈列無湮泯淆駁之

惠凡再閱月而告成事諸君子以予
實董是役當綴一言予惟致治之道
先教後政而萬世之書與一時之言
其功又不啻倍誌之于書又教之公
而鉅者也法邑當兵燹燔蕩之後一
旦舉數十年之墜典重新之使遺文

有所垂而幽貞無所鬱于以厲世摩
鈍教孰有重乎是

憲令之大有造于茲邑也而予雖不
敏亦得藉手竭蹶畢數載之志所未
逮邑之史有成令之責于是采釋也
况古郡國之志掌于太史周禮小行

人之職所至之國必別其風俗之書
為五以反命于王所以博綜遐逸而
周天下之故也是書成他時採風之
使或過而問焉其以資彤管之求而
佐秘閣所求備者安知不在于是耶
昔劉知幾論史有三長曰才學識而